



অবিলম্বে প্রকাশের উদ্দেশ্যে: 1/26/2024

গভর্নর ক্যাথি হোকল

গভর্নর হোকল নিউ ইয়র্ক স্টেটে ডেটা গোপনীয়তা সচেতনতা সপ্তাহ ঘোষণা করেছেন

গভর্নর হোকল নিউ ইয়র্কবাসীদের ডেটা গোপনীয়তা সপ্তাহে অনলাইনে তাদের ব্যক্তিগত ডেটা সুরক্ষিত এবং নিরীক্ষণ করতে উৎসাহিত করেন

ব্যক্তিগত ডেটা শেয়ার করার সময় সর্বোত্তম অনুশীলন সম্পর্কে সচেতনতা বাড়াতে নিউ ইয়র্ক স্টেট ইনফরমেশন টেকনোলজি সার্ভিসেস অফিস এবং অন্যান্য স্টেট সংস্থাগুলো যৌথভাবে কাজ করছে

নিউ ইয়র্ক স্টেটকে 2024 সালের জন্য “ডেটা প্রাইভেসি চ্যাম্পিয়ন” হিসেবে ঘোষণা করা হয়েছে

গভর্নর ক্যাথি হোকল আজ [21-27 জানুয়ারিকে](#) ডেটা গোপনীয়তা সচেতনতা সপ্তাহ হিসেবে ঘোষণা করেছেন এবং নিউ ইয়র্কবাসীরা কিভাবে তাদের ব্যক্তিগত ডেটা অনলাইনে সুরক্ষিত রাখবে এবং তাদের ডেটা অ্যাক্সেস পরিচালনা করবে তা তুলে ধরেছেন। ডেটা গোপনীয়তা সপ্তাহের স্বীকৃতিস্বরূপ, নিউ ইয়র্ক স্টেট ইনফরমেশন টেকনোলজি সার্ভিসেস অফিস অন্যান্য স্টেট সংস্থাগুলোর সাথে ডেটা গোপনীয়তার গুরুত্ব প্রচার করতে এবং ব্যক্তিগত ডেটা অ্যাক্সেস পরিচালনা করার পদ্ধতিগুলো শেয়ার করতে অংশীদারিত্ব করেছে, এর মধ্যে রয়েছে অ্যাপ্লিকেশন এবং অ্যাকাউন্টগুলোতে প্রাইভেসি সেটিংস সামঞ্জস্য করা, শক্তিশালী পাসওয়ার্ড এবং মাল্টি-ফ্যাক্টর প্রমাণীকরণের মাধ্যমে অ্যাকাউন্টগুলো সুরক্ষিত রাখা এবং সর্বশেষ নিরাপত্তা আপডেটগুলোর সাথে ডিভাইসগুলো সুরক্ষিত রাখা।

“ডেটা গোপনীয়তা সপ্তাহ একটি গুরুত্বপূর্ণ রিমাইন্ডার হিসেবে কাজ করবে যা আমাদের নিরাপত্তা ও গোপনীয়তা রক্ষা করার জন্য আমাদের ব্যক্তিগত ডেটা সুরক্ষিত করা আবশ্যিক এবং এটা আমাদের সকলের মালিকানাধীন একটি যৌথ দায়িত্ব,” **গভর্নর হোকল বলেন।** “যৌথভাবে, আমাদের অবশ্যই নিশ্চিত করতে হবে যে প্রযুক্তি নিউ ইয়র্কবাসীদের ডেটা নিরাপত্তার মৌলিক অধিকারের সাথে আপস না করেই আমাদের স্টেটকে ক্ষমতায়িত করে। এ কারণেই আমি নিউ ইয়র্ক জুড়ে ডেটা গোপনীয়তা সম্পর্কে প্রচার করতে পেরে আনন্দিত।”

ডেটা গোপনীয়তা সপ্তাহটি কিভাবে নিরাপদে এবং সহজেই অনলাইনে ব্যক্তিগত ডেটা পরিচালনা করতে হয় সে সম্পর্কে জনগণকে অবগত করতে এবং ব্যবসায় প্রতিষ্ঠান (এবং অন্যান্য সংস্থা) ব্যবহারকারী এবং অন্যান্য স্টেকহোল্ডারদের জন্য ডেটা গোপনীয়তার গুরুত্ব

বুঝতে সহায়তা করার জন্য পরিকল্পনা করা হয়েছে। সাইবার নিরাপত্তা ও প্রযুক্তির নিরাপদ ব্যবহার নিয়ে কাজ করা অলাভজনক প্রতিষ্ঠান ন্যাশনাল সাইবার সিকিউরিটি অ্যালায়েন্স এই বছর নিউ ইয়র্ক স্টেটকে ডেটা প্রাইভেসি চ্যাম্পিয়ন হিসেবে ঘোষণা করেছে। এই উপাধি ডেটা গোপনীয়তাকে সম্মান করতে এবং ব্যক্তিগত ডেটা সাবধানে পরিচালনা করতে ব্যক্তি এবং সংস্থাকে উৎসাহিত ও ক্ষমতায়নের জন্য স্টেটের প্রতিশ্রুতিকে স্বীকৃতি দেয়।

নিউ ইয়র্ক স্টেট ITS এর প্রধান তথ্য কর্মকর্তা ড্র রাই বলেন, “গভর্নর হোকলের নেতৃত্বে নিউ ইয়র্ক স্টেট তার বাসিন্দা ও ব্যবসা প্রতিষ্ঠানের ব্যক্তিগত ও গোপনীয় তথ্য সুরক্ষার গুরুত্বের উপর জোর দিয়ে যাচ্ছে। জাতীয় ডেটা গোপনীয়তা সপ্তাহ হলো ITS এবং স্টেট সরকারের অংশীদারদের জন্য ব্যক্তিগত ডেটা এবং গোপনীয় ডেটার ক্ষতি রোধ করার জন্য উপলভ্য পরামর্শ এবং রিসোর্সগুলো সম্পর্কে জনসচেতনতা বাড়ানোর একটি দুর্দান্ত সুযোগ।”

নিউ ইয়র্ক স্টেট ITS এর চীফ রিস্ক অ্যান্ড ডেটা প্রাইভেসি অফিসার মিশেল জোনস বলেন, “ওয়েবসাইট এবং অ্যাপগুলো প্রায়ই ব্যবহারকারীর ব্যক্তিগত ডেটা যেমন নাম ও অবস্থানের পাশাপাশি তাদের আচরণ ও পছন্দ ট্র্যাক করে। সামাজিক নিরাপত্তা নম্বর এবং স্বাস্থ্য সম্পর্কিত ডেটার মতো সংবেদনশীল তথ্যের জন্য ডেটা গোপনীয়তা বিশেষভাবে গুরুত্বপূর্ণ। আপনার সংবেদনশীল ব্যক্তিগতভাবে শনাক্তযোগ্য তথ্য যদি বিদ্রোহপূর্ণ কোনো ব্যক্তির মাধ্যমে অ্যাক্সেস করা হয় তবে ডেটা লঙ্ঘনের ফলে পরিচয় চুরি হতে পারে এবং তাই নিউ ইয়র্কবাসীদের জানা এবং সর্বদা সতর্ক থাকা উচিত।”

নিউ ইয়র্ক স্টেট ডিভিশন অভ হোমল্যান্ড সিকিউরিটি অ্যান্ড ইমার্জেন্সি সার্ভিসেস কমিশনার জ্যাকি ব্রে বলেন, “আধুনিক ডিজিটাল বিশ্বে, অ্যাকাউন্টের অ্যাক্সেস হারানো বা খারাপ ব্যক্তিদের হাতে ব্যক্তিগত ডেটা চুরি হয়ে যাওয়া অত্যন্ত বিঘ্নজনক হতে পারে। সৌভাগ্যক্রমে, আমাদের ব্যক্তিগত তথ্য ফাস রোধ করা এতটা জটিল নয়। কয়েকটি সহজ পদক্ষেপ গ্রহণ করে, যেমন একাধিক শক্তিশালী পাসওয়ার্ড ব্যবহার করে, আপনার অ্যাকাউন্টগুলো সুরক্ষিত রাখতে আপনি যা করতে পারেন তা করেছেন জেনে মনে শান্তি পেতে পারেন।”

কয়েকটি সহজ পদক্ষেপের মাধ্যমে নিউ ইয়র্কবাসীরা কিভাবে তাদের ডেটা সংগ্রহ করা হয় তা নিয়ন্ত্রণ করতে এবং তাদের ব্যক্তিগত তথ্য গোপন ও সুরক্ষিত রাখতে পারে:

- ডিভাইস এবং অ্যাপ্লিকেশনগুলো আপ টু ডেট রাখুন। সম্ভব হলে স্বয়ংক্রিয় আপডেট সক্রিয় করুন। পর্যালোচনা করুন এবং মোবাইল ডিভাইসগুলোতে অন্তর্নির্মিত অতিরিক্ত নিরাপত্তা বৈশিষ্ট্যগুলো সক্রিয় করার কথা বিবেচনা করুন, যেমন ডেটা এনক্রিপ্টকারী প্রোগ্রামগুলো এবং ডিভাইসটি হারিয়ে গেলে বা চুরি হয়ে গেলে কন্টেন্টগুলো দূরবর্তীভাবে অপসারণ করা।
- প্রতিটি অ্যাকাউন্টের জন্য দীর্ঘ, অনন্য এবং জটিল পাসওয়ার্ড ব্যবহার করুন। একাধিক সংক্ষিপ্ত শব্দ দিয়ে তৈরি পাসফ্রেজগুলো ব্যবহার করার বিষয়টি বিবেচনা করুন যা মনে রাখা সহজ কিন্তু অনুমান করা কঠিন। বিখ্যাত বা সাধারণ বাক্যাংশ ব্যবহার করা এড়িয়ে চলুন।

- যখনই সম্ভব ডিভাইস ও অ্যাকাউন্টগুলোতে MFA সক্রিয় করুন। একটি পাসওয়ার্ড এবং অন্য একটি ফ্যাক্টর, যেমন আপনার ফোনের কোনো অ্যাপ থেকে একটি কোড, অনুমোদনহীন ব্যবহারকারীদের জন্য আপনার তথ্য অ্যাক্সেস করা আরো কঠিন করে তোলে।
- ইমেল, টেক্সট এবং ভয়েসমেইল বিশেষ করে অজানা প্রেরকদের অযাচিত বার্তাগুলো সম্পর্কে সতর্ক থাকুন। সন্দেহজনক সংযুক্তি বা লিঙ্কগুলো খুলবেন না বা ক্লিক করবেন না। আপনার ব্যাংকের মতো কোনো বিশ্বস্ত সংস্থা থেকে দাবি করা কোনো বার্তা পাওয়ার সময়, সংস্থার ওয়েবসাইট যাচাই করে বা সরাসরি তাদের তালিকাভুক্ত নম্বরে কল করে প্রেরক বৈধ কিনা তা ডাবল-চেক করুন।
- আপনার ইমেল ঠিকানার মতো ব্যক্তিগত তথ্য তৃতীয় পক্ষের সাথে শেয়ার করার অনুমতি না দেওয়া সহ ওয়েবসাইট বা মোবাইল অ্যাপের মাধ্যমে সংগৃহীত ব্যক্তিগত ডেটা সীমিত করা ডাউনলোড এবং পরিষেবার শর্তাদি স্বীকার করার আগে অ্যাপের গোপনীয়তা নীতিগুলো পর্যালোচনা করুন।
- আপনার সোশ্যাল মিডিয়াতে শেয়ার করা ব্যক্তিগত তথ্য সম্পর্কে সচেতন থাকুন। জন্ম তারিখ, টেলিফোন নম্বর, বাড়ির ঠিকানা বা ফটো যা আপনার কাজ বা শখকে শনাক্ত করে যেগুলো অ্যাকাউন্ট নিরাপত্তা সংক্রান্ত প্রশ্নের উত্তর প্রকাশ করতে পারে যা স্ক্যামাররা অ্যাকাউন্ট এবং ব্যক্তিগত তথ্য অ্যাক্সেস করতে ব্যবহার করতে পারে।
- আপনার ডেটা এনক্রিপ্ট করতে এবং অতিরিক্ত সুরক্ষার জন্য আপনার অবস্থানটি আড়াল করতে ভার্চুয়াল প্রাইভেট নেটওয়ার্ক বা VPN ব্যবহার করে ইন্টারনেট সংযোগ দেওয়ার বিষয়টি বিবেচনা করুন।
- জনসাধারণের মধ্যে থাকাকালীন অনলাইন ক্রিয়াকলাপগুলোর ব্যাপারে সতর্ক থাকুন। পাবলিক ওয়্যারলেস হটস্পটগুলো সুরক্ষিত নাও হতে পারে এবং অন্যকে অনলাইন ক্রিয়াকলাপ পর্যবেক্ষণ করার অনুমতি দিতে পারে, বিশেষত যদি নেটওয়ার্ক এনক্রিপ্ট করা না থাকে। এছাড়াও, অপরিচিত ব্যক্তির আপনার স্ক্রীনে উঁকি দিয়ে বা “শোল্ডার সার্ফিং” করে আপনার অনলাইন কার্যকলাপ দেখতে পারে। আপনার ব্যাংক অ্যাকাউন্টের মতো সংবেদনশীল ডেটা জনসাধারণের মধ্যে অ্যাক্সেস করবেন না।

আরো তথ্যের জন্য, [ITS ওয়েবসাইট দেখুন।](#)

ট্যাক্সেশন ও ফাইন্যান্স স্টেট ডিপার্টমেন্টের ভারপ্রাপ্ত কমিশনার আমান্ডা হিলার বলেন, “গোপনীয় তথ্য সুরক্ষার জন্য স্টেট অসাধারণ পদক্ষেপ গ্রহণ করে, কিন্তু সাইবার অপরাধীদের থেকে তাদের সংবেদনশীল ব্যক্তিগত তথ্য রক্ষা করতে নিউ ইয়র্কবাসীদের তাদের দায়িত্ব পালন করা এবং উপরে তালিকাভুক্ত নির্দেশিকা অনুসরণ করা অত্যন্ত গুরুত্বপূর্ণ।”

নিউ ইয়র্ক স্টেট ফাইন্যান্সিয়াল সার্ভিসেস এর সুপারিন্টেন্ডেন্ট অ্যাড্রিয়েন এ. হ্যারিস বলেন, “আমাদের বৈশ্বিক আর্থিক ব্যবস্থার নিরাপত্তা ও দৃঢ়তা বজায় রাখতে শক্তিশালী সাইবার নিরাপত্তা প্রোটোকল এবং জালিয়াতি প্রতিরোধ ব্যবস্থা গুরুত্বপূর্ণ। সাইবার আক্রমণ এবং ক্রমবর্ধমান হুমকির সাথে, DFS আমাদের অগ্রণী সাইবার নিরাপত্তা মানের সাথে জাতিকে

নেতৃত্ব দেওয়া অব্যাহত রাখবে, যার জন্য সর্বোত্তম অনুশীলন এবং মাল্টিফ্যাক্টর প্রমাণীকরণের মতো প্রমাণিত সুরক্ষাগুলোর বর্ধিত ব্যবহার প্রয়োজন।"

নিউ ইয়র্ক স্টেটের স্টেট সেক্রেটারি রবার্ট জে. রদ্রিগেজ বলেন, "শিশুদের ব্যক্তিগত তথ্য চুরির সম্ভাব্য ক্ষয়ম সম্পর্কে পিতামাতা ও অভিভাবকদেরও সচেতন থাকা উচিত। শিশুদের সাথে ইন্টারনেট নিরাপত্তা নিয়ে আলোচনা করা এবং তারা অনলাইনে যে তথ্য শেয়ার করে তা সীমাবদ্ধ করতে এবং সংযুক্তি ও সন্দেহজনক ইমেলগুলো খোলার বিষয়ে সতর্কতা অবলম্বন করার জন্য তাদের স্মরণ করিয়ে দেওয়া গুরুত্বপূর্ণ।"

আপনি যদি পরিচয় চুরির শিকার হন বা মনে করেন যে আপনার ডেটা সংকটাপন্ন হয়েছে, তাহলে পরিচয় চুরি প্রতিরোধ এবং নিরসন সহায়তার জন্য নিউ ইয়র্ক স্টেট ডিভিশন অভ কনজিউমার প্রোটেকশনে যোগাযোগ করুন। ভোক্তা সহায়তা হেল্পলাইন 1-800-697-1220 সোমবার থেকে শুক্রবার সকাল 8:30 থেকে বিকেল 4:30 পর্যন্ত স্টেট ছুটির দিন ব্যতীত পাওয়া যায়।

ডেটা গোপনীয়তা সপ্তাহ সম্পর্কে

[ডেটা গোপনীয়তা সপ্তাহ](#) ইউরোপে ডেটা সুরক্ষা দিবস উদযাপনের সম্প্রসারণ হিসেবে 2008 সালের জানুয়ারিতে মার্কিন যুক্তরাষ্ট্র এবং কানাডায় ডেটা গোপনীয়তা দিবস হিসেবে শুরু হয়েছিল। ডেটা সুরক্ষা দিবস জানুয়ারি 28, 1981 সালের স্মরণে, কনভেনশন 108-এ স্বাক্ষর করে, যা গোপনীয়তা এবং ডেটা সুরক্ষা সম্পর্কিত প্রথম আইনিভাবে বাধ্যতামূলক আন্তর্জাতিক চুক্তি।

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)